

Wótłósowańske zastojnstwo: Město Baršć (Łužyca)
Gmejna: Baršć (Łužyca)
Głosowański wokrejs: 41



Wózjawjenje

wó pšewježenju ludowego póžedanja “Ludowa iniciatiwa za wótpóranje wótwórjeńskich pšinoskow za ‘pěskowe pisty’”

Zastupniki ludoweje iniciatiwy “Ludowa iniciatiwa za wótpóranje wótwórjeńskich pšinoskow za ‘pěskowe pisty’” su w pšawem casu pšewježenje ludowego póžedanja pominali. Krajne kněžarstwo abo tšešina cłonkow Krajnego sejma Bramborskeje njejsu w póstajonem casu § 13 pódstawk 3 kazni ludowego wótłósowanja (VAGBbg) skjaržbu pšešiwo dopušćenju ludowego póžedanja zapódali.

Ludowe póžedanje móžo se wót wšykných do głosowanja wopšawnjonych bergařkow a bergarjow wót

12. oktobra 2021 až do 11. apryla 2022

ze zapisanim do wupóložonych zapisańskich lisćinow abo z listowym zapisanim na tych zapisańskich łopjenach pódpěrowaš. Wótpowědujucy § 17 wótstawk 2 VAGBbg mógu bergařki a bergarje swójo pšawo na zapisanje ze zapisanim do amtskeje zapisańskeje lisćiny jano pla toho wótłósowańskego zastojnstwa teje gmejny wugbaš, žož swójo bydlenje maju, pla wěcej bydlenjow swójo głowne bydlenje abo, jo-lic njamaju bydlenje w Zwězkowej republice, swójo wšedne pšebywanje maju; te bergařki a bergarje mógu swójo pšawo na zapisanje pak teke pla tych póđ pismikom A) napisanych dalšnych zapisańskich městnach wugbaš.

Do zapisanja wopšawnjone su wótpowědujucy § 16 VAGBbg w zwisku z §§ 5 a 7 Bramborskeje krajneje wuzwólowańskeje kazni (BbgWahlG) wšykne nimske bergařki a bergarje, kenž su w casu zapisanja abo nejžpóždzej dnja **11. apryla 2022**

- swójo 16. žywjeńske lěto dopołnili, pótakem se pšed **12. aprylom 2006** narožili su,
- nanejmenjej mjasec w Bramborskej swójo stawne bydlenje maju abo, jo-lic njamaju bydlenje w Zwězkowej republice Nimska, swójo wšedne pšebywanje maju ako teke,
- njejsu pó § 7 BbgLWahlG wuzamknjone z wuzwólowańskego pšawa.

A) Pódpěrowanje ludowego póžedanje ze zapisanim do zapisańskich lisćinow

Ludowe póžedanje móžo se ze zapisanim do wupóložonych zapisańskich lisćinow w slědujucych zapisańskich rumnosćach wótłósowańskego zastojnstwa **až do pónježele, 11. apryla 2022, zeger 16.00 góž:**

**pla Města Baršć (Łužyca), Nowa radnica, Lipowa droga 10-12,
bergaŕski amt w 03149 Baršć w powšykných wótwórjeńskich casach**

pónjezele	09:00 do 13:00 góžin
wałtoru	09:00 do 18:00 góžin
stwórtk	09:00 do 16:00 góžin
pětk	09:00 do 13:00 góžin

Wósoby, kenž kšě se do zapisańskich lisćinow zapisaš, maju se wó swójej wósobje wupokazaš (§ 7 pódstawk 1 jadnańskego póřěda ludowego póžedanja – VVVBbg).

Chtož se do zapisańskeje lisćiny zapisuju, musy wósobinski a rukopisnje pódpisaš. Mimo pódpisa muse se familijowe mě, pšedmě, žeń naroženja, bydleńske město a bydlenje, pla wěcej bydlenjow głowne bydlenje abo wšedne pšebywanje, ako teke žeń zapisanja zapisaš, tak až se daju derje cytaš (§ 18 pódstawk 1 VAGBbg w zwisku z § 8 pódstawk 1 VVVBbg). Zapisanje njamóžo se pó § 18 pódstawk 2 VAGBbg wěcej slědk wzeš.

Do zapisanja wopšawnjone wósoby, kenž dla šělnego bracha njejsu w położenju, zapisanje sami wugbaš a to z pokazku na swój brach napisaš daju, se pó zastojnsku do zapisańskeje lisćiny zapišu (§ 15 pódstawk 2 VAGBbg w zwisku z § 8 pódstawk 2 VVVBbg).

Do zapisanja wopšawnjone wósoby, kenž dla šělnego bracha do zapisańskeje rumnosći pšís njamógu abo jano pó njepšišpiwajobnymi šěžkosćami tam dojš mógu, mógu wósobje swójeje dowěry (pomocna wósoba) nadawk daš, swójo zapisańske pšawo wugbaš. Za to ma do zapisanja wopšawnjona wósoba pomocnej wósobje wótpowědujucu połnomóc wupisaš (§15 pódstawk 2 VAGBbg w zwisku z § 7 pódstawk 4 VVVBbg).

B) Pódpěranje ludowego póžedanja z listowym zapisanim

Kuždy do zapisanja wopšawnjony ma pšawo, na pšosbu ludowe póžedanje z listowym zapisanim pódpěraš. Pšosba móžo se wót do zapisanja wopšawnjoneje wósoby sameje abo jadnej wót njeje społnomócnjoneje wósoby pisnje, elektroniski (na pšikład z e-mail abo faksom) abo wustnje (za zapisanje) we **wótgłosowańskem zastojnstwje** stajiš, w kótaremj do zapisanja wopšawnjona wósoba swójo bydlenje, pla wěcej bydlenjow swójo głowne bydlenje, abo swójo wšedne pšebywanje ma. Pši elektroniski stajonej pšosbje musy se žeń naroženja pšosbu stajuceje wósoby pódaš (§15 pódstawk 6 sada 4 VAGBbg). Telefoniske stajanje póžedanja njejo dowólone.

Póžedanje stajeca wósoba móžo pši stajanju pšosby teke pomoc wósoby swójeje dowěry (pomocnej wósoby) wužywaš (§ 15 wódstawk 6 sada 2 w zwisku z § 15 pódstawk 2 sada 2 VAGBbg).

Zapisańske łopjena mógu se až do dwa dnja pšed zakóńcenim zapisańskego casa póžedaš (§ 8a pódstawk 5 VVVBbg).

Za listowe zapisanje trjebne pódlóžki (zapisańske łopjeno a listowa wobalka) se póžedanje stajucej wósobje dermo pšipóscělu.

Zapisaš musy se wósobinski. Chtož dla šělnego bracha w położenju njejo, listowe zapisanje wósobinski pšewjasć, móžo pomoc jadnej wósoby (pomocna wósoba) wužywaš (§ 15 pódstawk 2 sada 2 VAGBbg). Na zapisańskem łopjenje ma do zapisanja wopšawnjona wósoba abo pomocna wósoba napšěšiwo wótgłosowańskemu zastojnstwoju město pšisegi

wobwěsćiš, až jo wuzjawjenje pódpěranja ludowego póžedanja wósobinski a pó wuzjawjonej wóli do zapisanja wopšawnjoneje wósoby wótědała (§15 pódstawk 7 VAGBbg).

Pši listowem zapisanju musy do zapisanja wopšawnjony zapisańske łopjeno scasom na to na amtskej listowej wobalce pódane městno wótpóstaś, až zapisański list nanejpozźej 11. apryla 2022, 16.00 góžin dožjo.

Zapisański list se we Zwězkowej republice Nimska jadnučki z Nimskim postom AG dermo pósrědnijo. Zapisański list móžo se teke na tom na listowej wobalce pódanem městnje wótědaś.

Pominane ludowe póžedanje ma slědujucy pósłowny tekst:

Ludowa iniciatiwa za wótpóranje wótwórjeńskich pšinoskow za “pěskowe pisty”

Krajny sejm se napominajo, wótpóraś gmejnske wótwórjeńske pšinoski za tak pomjenjone “pěskowe pisty”, to groni za wótwórjeńske załožki abo žěle wótwórjeńskich załožkow, kenž su južo pšed 3. oktobrom 1990 nastali abo za wobchadne zaměry se wužywali su. Daś krajny sejm wótpowědujuce změny komunalneje wótedankoweje kazni pšewježo.

Wobtwarženje: Drogi su žěl infrastruktury a stakim teke žěl wšedneje pótrjeby kuždego. Ako zjawny rum dejali se teke wót zjawnosći financěrowaś. Wósebna lěpšyna za pšigranicujuce grunty se njedaju kwantificěrowaś. Wobžělenje pšigranicujucych na wótwórjeńskich pšinoskach jo jano wopšawnjone, gaž se jedna wó wutwarjone nowe drogi, dokulaž z tym dostanu pón přědny raz móžnosć, na swóje grunty teke z wózydłami dojeś. Pši takej juž lětzasetki eksistěrujucej “pěskowej pisće” pak jo toś ta móžnosć juž do toho była. Pón dejali se pšigranicujuce móc na to spuścić, až na zakłaže dlujkolětněj wužywańskej móžnosći wótwórjeńske pšinoski za jězdnu ceru, wóduwótpušćenje, chódnik a nabocnu zeleń drogow wótwórjeńske pšinoski njenastanu. Stawa se take něco pak, wježo to pla pótrefjonych cesto k njedorozměšam a pódrywa dowěru do pšawniskego pórěda. Dla pšawniskeje wěstosći a spšawnosći jo nuznje trjebne, tak pomjenjone “pěskowe pisty” wuwześ z trjebnosći wótwórjeńskich pšinoskow. Mimo togo se teke za krajowe a zwězkowe drogi take wótwórjeńske pšinosku njepominaju.

Baršć (Łužyca), dnja 25. septemberski 2021

Simone Taubenek

Simone Taubenek
głownoamtska šoltowka

